


ՎԱՅՈՑ ԶՈՐԻ ՎԻՇԱՊ-ԿՈՅՈՂՆԵՐԸ

Դեռևս XX դարի սկզբներին Ն. Մառը և Յա. Սմիրնովը Գեղամա լեռներում հայտնաբերեցին ձկան և ցուլի պատկերներով վիշապ-քարակոթողներ: Այդ կոթողների ուսումնասիրության հիման վրա նրանք եզրակացրին, որ դրանք մ. թ. ա. վաղ երկաթի դարաշրջանի կոթողներ են, կապված Հայկական լեռնաշխարհում ջրի պաշտամունքի հետ¹:

օգտագործելու ժամանակի հետ, «հավանորեն ուրարտական և հայկական դարերում»³:

Այնուհետև Արագածի լանջերում, Գեղամա լեռներում, Սևանա լճի ավազանում և այլուր նորանոր վիշապներ հայտնաբերվեցին: Հենց վերջերս Արագածի լանջերից Թալինի շրջանի Ն. Սասնաշեն գյուղի դպրոցի շենքը բերվեց ձկան պատկերով նոր կոթող:



Նկ. 1. Աղավնաձորի Աստվածածին եկեղեցին

Այնուհետև Մ. Աբեղյանը, հանգամանալից ուսումնասիրելով Գեղամա լեռների հիշյալ վիշապները, այն կարծիքը հայտնեց, որ Գեղամա լեռների և Հայաստանի այլ վայրերի ձկնակերպ կոթողները վերաբերում են Աստղիկ-Գերկետո դիցուհու արձաններին²:

Այդ կոթողները կանգնեցնելու ժամանակաշրջանի մասին Մ. Աբեղյանը հանգեց այն հետևություն, որ դրանք ժամանակով կապված են Դվինի, Արսաշատի և Արարատյան դաշտի ուրիշ կողմերում ուղղման ջրանցքներ շինելու և

1960-ական թթ. սկզբին մեր ուշադրությունը գրավեցին երկու վիշապ-կոթողներ Եղեգնաձորի շրջանի Աղավնաձոր գյուղի սահմաններում, որոնք խաչքարերի վերածելու հետևանքով անկատ էին մնացել: Եղեգնաձորի շրջանի Աղավնաձոր գյուղից մոտ 5 կմ դեպի հյուսիս-արևմուտք՝ «Վանքի դուղ» կամ «Ներքին Ուլ-գյուր» կոչվող վայրում գտնվում են Աստվածածին կոչվող միջնադարյան եկեղեցու ավերակները (նկ. 1): Ահա այստեղ, հիշյալ եկեղեցու հարավային կողմում, կողք-կողքի դրված են կարծր բազալտից ցուլի գլխով կերպավորված երկու վիշապ-կոթողներ: Ոչազրապն այն է, որ XI—XII դդ. երկու վիշապներն էլ քանդակագործվելով վերածվել են հայկական խաչքարերի՝ համապատասխան հիշատակություններով:

¹ Н. Я. Марр и Я. И. Смирнов. Вишапы, «Труды ГИИМК», 1931.

² Մ. Աբեղյան, «Վիշապներ» կոչված կոթողներն իրեն Աստղիկ-Գերկետո դիցուհու արձաններ, Երևան, 1941, էջ 85:

³ Նույն տեղում, էջ 93:

Վիմագրագետ Ս. Բարխուդարյանը այդ կոթողների մասին կասկածանքով գրել է. «Այդ խաչքարը հին կոթողի տեսք ունի, յուրահատուկ է առանձնապես ճակատին շինված գնդաձև մասը, որի վրա խաչ է քանդակված»⁴:

Հայաստանում քրիստոնեության տարածման սկզբում ինչպես հեթանոսական տաճարներն են

հաստությունը՝ 0,46 մ: Կոթողն ստորին մասում գնալով նեղանում է (նկ. 2): Աղավնաձորի վիշապ-քարակոթողն աչքի է ընկնում ցուլի գլխի ծավալային մշակումով, որը ցարդ մեզ հասած յրինականներից ամենատպալորիչն է: Կոթողի վերևում, ցուլի գլխի երկու կողմերից ցած են իջնում ոլորածև մոտիվներ, որպիսիք հաճախ



Նկ. 2

մասամբ վերածվել քրիստոնեական եկեղեցիների, այնպես էլ հեթանոսական կոթողները, մասնակի մշակման ենթարկվելով, դարձել են նոր կրոնի կոթողային հուշարձաններ ու դրանց վրա փորագրվել են խաչեր: Այդ եղանակով քրիստոնեացվել են Շամիրամի, Սառնաղբյուրի մենհիրները, Գեղամա լեռների վիշապները, անգամ ուրարտական և մի քանի այլ կոթողներ: Խաչքարերի են վերածվել նաև Աղավնաձորի վերը հիշատակված երկու վիշապ-կոթողները:

Կոթողներից առաջինի (մեծի) բարձրությունը 3,16 մ է (մնացածը խրված է գետնի մեջ, թե որքան, հայտնի չէ), լայնությունը 1,12 մ,

⁴ «Դիվան հայ վիմագրության», պրակ 3-րդ, կազմեց՝ Ս. Բարխուդարյան, Երևան, 1967, էջ 34:



Նկ. 3

նմանեցվում են ցուլի կախ ընկած առաջին ոտքերի, երբեմն էլ ջրի ալիքների՝

Կոթողը խաչքարի վերածելու հետևանքով, հարկավ, տուժել են ցուլի ոտքերի քանդակները և այլ մանրամասներ: Ցուլի գլխի ծավալային քանդակի մեջ կարգավորվել է հավասարաթև ուռուցիկ մի խաչ, որն առնված է շղթայածև պսակի մեջ (դա թելադրված է եղել տեղի պայմաններով), իսկ նրա երկարավուն գնչի վրա փորագրված է մեկ այլ փոքրիկ, անհավասարաթև խաչաքանդակ: Երկու խաչերն էլ փորագրված են կոթողի վերևի երկու անկյուններում, որոնցից դուրս են գալիս մեկական խաղողի ողկույզներ՝ մշակված հատիկներով:

⁵ Մ. Արեղյան, նշվ. աշխ., էջ 86:

Այնուհետև կոթողի ամբողջ երեսով մեկ փորագրվել է մեծ, անհամասարաթև խաչաքանդակ, դարին յուրահատուկ դարդամոտիվներով և վրան գրվել է՝ Սուրբ Ա[ստուա]ծածին՝ Նրանից ներքև քանդակված է աստիճանաձև պատվանդան, որի երկու կողմերից վեր են ձգվում մեկական բուսական մոտիվ՝ տարբեր պլաններով։ Խաչի վերևի թևի երկու կողմերից դուրս են գալիս մեկական խաղողի ողկույղ՝ տերևներով հանդերձ։ Խաչաքանդակի սուր վերջավորվող զույգ թևերի մեջ փորագրված են փոքրիկ խաչեր՝ իսկ պատվանդանի մակերեսը բաժանված է քառակուսիների։ Չորս թևանի երկու վարդյակներ էլ փորագրված են խաչի հորիզոնական երկու թևերի տակ։ Կոթողի հյուսիսային և հարավային կողմին կարողում ենք.

Հա[յոց] թուականս։ ՆԾԸ։ (=1009)

Սարգիս երէց կանգնեցի զսուրբ նշանս։

Այսպիսով, արձանագրությունից երևում է, որ վիշապ-կոթողը խաչքարի են վերածել 1009 թ. սուրբ Աստվածածին անունով։

Ստույկ ներկայացնում են 1 արձանագրությունը և նրա վերծանությունը

ԹՎ ՈԽԸԻՍ ԿԱՆԿԵՑԱԻ—

ՈՒՐԱԽ ՆՇԱՆԱԶԵԹԱՄԲՄԱՐԳ—

ԱՐԻ

ՍԻԱՐԶԻ

ԱՐՈՒՐՔ

ԳՈՅԻՇԱՏ

ԱԿԾՆՈՂԱ

ՅԻՄՈՅՍՄԳ

ԱՏԻՇԽԱՆ

ԻՍԷԹԱԻՋ

ՈՐԿՈՐՈՅ

ՏՆՍ ԲԵՐԱՔ

ՅԱՅՏՆՈՒ-

ԹԵԱՆՍ ԱԾ

ՈՂՈՐՄԵՅ

Ե

Աղավաճորի երկրորդ կոթողի արձանագրությունից պարզվում է, որ այն խաչքարի է վերակերտել վարպետ Մարգարը 1199 թ. իր ծնողների և Սմբատ իշխանի հիշատակին ու փոխադրել «Թոշորկորոյ, տանս», որը հավանաբար ներքին Ուլգյուրի կամ հին տեղանունն է

Փորը վիշապի քանդակները գրեթե նույնությամբ կրկնում են մեծ վիշապ-խաչքարի քանդակները. այն հիմնական տարբերությամբ, որ փոքր կոթողի ստորին մասում փորագրված է XII դարի խաչքարերին հատուկ խաչաքանդակ իր լուր մանրամասներով։ Փոքր կոթողի բարձրությունը 2,41 մ է, լայնությունը՝ 0,92 մ, հաստությունը՝ 0,37 մ։ Այն վերևում և ստորին մասում քիչ նեղանում է (նկ. 3)։ Կոթողի հարավային կողմին փորագրված է երկտողանի արձանագրություն, որն այնուհետև շարունակվում է նրա թիկունքին։ Այստեղ փորագրված է 14 տողից կազմված արձանագրություն։

Ս. Բարխուդարյանը կոթողի թիկունքի արձանագրությունը չի վերծանել. նա գրում է, որ արձանագրության տառերը մաշվել են և ապա ավելացնում, որ «վերծանել չենք վստահում»⁶։

Մենք փորձել ենք վերծանել այս կոթողի արձանագրությունը, որի շնորհիվ կարծում ենք, որ պարզվում են նրա կանգնեցման, տեղանվան, պատվիրատուի և քանդակագործի անվան հետ կապված մի շարք հարցեր։

ԹՎ [ԻՍ] ՈԽԸ (=1199) կանկեցաւ

Ուրախ նշանս ձեռամբ Մարգ-

արի—

սի ար հի

արուրբ (?)

գո[յ] յիշատ-

ակ ծնողա-

ց իմոց Սմպ-

ատ իշխան-

իս է Թաւջ-

որկորոյ

տ[ա]նս բերաք

յայտնու-

թեանս ԱԾ

ողորմեսց-

ե9:

և կամ էլ տոհմանուն։ Կարելի է ենթադրել նաև, որ հիշյալ վիշապ-քարակոթողը Թոշորկոր վայ-

8 Նույն տեղում, էջ 35:

9 վերցնում ենք մեր հավաքածուից, ԹՎ ՈԽԸ-ից հետո պարզորոշ երևում է Ս տառը, Այս տառի վրա հազիվ նշմարվում է Բ տառը, որը կարող էր «իս» կարդացվել և վերաբերել «թվիս» բառին։ Հավանական է, որ «իս» հնչյունախումբը վերաբերում է իմ իս ՈԽԸ կապակցությանը։

6 «Դիվան», պրակ III, էջ 35:

7 Նույն տեղում, էջ 34:

րից փոխադրել են կոթողի այժմյան գտնվելու տեղը¹⁰։

Հավանաբար Կարմրաշենի (Ազիզբեկովի շերտան) հին ջրաղացի մոտ պահպանված 990 թ. հայտնի խաչքարը ևս նախկինում վիշապ-կոթող է եղել։ Այդ հետևությունը մեզ հանգեցնում են ոչ միայն քարի մշակման եղանակը, չափերը (3,66 մ), այլև խաչքարի թիկունքին պահպանված նրա հետևյալ արձանագրությունը.

«Ես Գրգորիկ որդի Գիորգ[այ], Ածային տեսչութեամբ գտի զարձանս, բազում աշխատութեամբ եւ մեծ յ[ո]ւսաւս բերի[ի] դո[ւ]ն եկեղեցոյս, կանգնեցի նշան սուրբ իսախս...»¹¹։

Ընդ որում, ի ամբողջությամբ վերը բերված Աղավնաձորի վիշապ-խաչքարերի՝ կոթողի մակերեսը ոչ միայն քանդակազարդվել է խաչի ավանդական պատկերով ու վարդյակով, այլև քանդակազարդվելով ողջ մակերեսը փոս է ըն-

կել, որի հետևանքով էլ նրա վրայի հին քանդակների հետքեր չեն պահպանվել։

Աղավնաձորի վերոհիշյալ «վիշապների» հայտնաբերումը վկայում է. որ ջրի պաշտամունքի հետ կապված այդ կոթողները լայն տարածում են ունեցել Հայաստանում և ընդգրկել են Արագածի լանջերը, Գեղամա լեռները, Սևանի ավազանը, Շիրակը, Կոտայքը, պատմական Հայաստանի Փոքր Հայքը, Սպերը, Ծորոխի ավազանը, Ջավախքը և այլն, որոնց ավելանում է նաև Վայոց ձորը։

Մինչև այժմ Հայաստանում հայտնաբերված վիշապները երկու տեսքով են հանդես եկել՝ ձկան և ցուլի պատկերներով, սակայն Գեղամա լեռների վիշապներից մեկի վրա ձկան և ցուլի կերպարները պատկերվել են միաժամանակ՝ նույն կոթողի վրա։

Այսպիսով, Հայկական լեռնաշխարհում մինչև վերջերս հայտնի վիշապները և ծղեկնաձորի շրջանում հայտնաբերված երկու քարակոթողները հետաքրքիր են նրանով, որ տարբերվում են ոչ միայն կերպավորման, այլև քանդակման եղանակով (ցուլի գլխի ծավալային քանդակազարդումը)։ XI—XII դդ. այս կոթողները վերածվել են խաչքարերի և իբրև միջնադարյան Հայաստանին բնորոշ կոթողային հուշարձաններ՝ հարգարվել են խաչքարերին հատուկ զարդաքանդակներով։ Հեթանոսական շրջանի կոթողային հուշարձանները քրիստոնեականի վերածելու ընթացքը շարունակվել է XI—XII և հետագա դարերում։

Այս կոթողները հետաքրքիր են նաև XI—XII դդ. վիճագիր հիշատակարաններով, որոնց շնորհիվ ի հայտ են գալիս խաչքարը կերտող մի նոր քանդակագործ՝ ի դեմս Մարգարի և «Թորոկորյ տուն» տեղանունը կամ տոհմանունը։

Ա. ՇԱՀԻՆՅԱՆ

КАРТИНА В. СУРЕНИЯЦА В ЭРМИТАЖЕ

Вардгес Яковлевич Суренянц (1860—1921) — крупнейший представитель армянского искусства конца XIX—начала XX в. Это был необычайно одаренный человек — он занимался живописью, иллюстрировал книги, оформлял спектакли, создавал проекты архитектурных сооружений, писал статьи по вопросам архитектуры и искусства, делал литературные переводы. Художественное образование В. Суренянц полу-

чил в Московском училище живописи, ваяния и зодчества (1876—1879) и в Мюнхенской академии художеств (1885).

Диапазон творчества В. Суренянца-художника широк — им создано много портретов современников, пейзажей, исторических и историко-бытовых полотен. Лучшие его произведения отмечены высоким мастерством и проникнуты глубокой любовью к своему народу, многострадальной родине.